



ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

31 ՀՈԿՏԵՄԲԵՐԻ, 2017 թ.

№ 14 (1014)

Թերթի առաջին համարը լույս է տեսել 1965 թ. մարտի 11-ին
երկշաբաթաբերթ • հրատարակման 52 -րդ տարի

ԽԱՉԱՏՈՒՐ ԱԲՈՎՅԱՆԻ ԼՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ՊԵՏԱՏՈՒՄԹԵՐԹ

ՀԱՅ-ՉԻՆԱԿԱՆ ԿՐԹԱԿԱՆ ՀԱՄԱԳՈՐԾԱԿՑՈՒԹՅՈՒՆ

Երկօրյա աշխատանքային այցով Մանկավարժական համալսարանում էին Հայաստանում Կոնֆուցիուսի ինստիտուտի չինական կողմի տնօրեն Յան Մեյխուան, Պեկինի մանկավարժական համալսարանի չինարեն լեզվի և մշակույթի ինստիտուտի տնօրեն Չժու Շույային և աշխատակից Չժան Սյուեցին:

Պատվիրակությանն ընդունեց Մանկավարժական համալսարանի ռեկտոր Ռուբեն Միրզախանյանը: Ռեկտորը ողջունեց հյուրերին՝ ասելով, որ մեր համալսարանը մեր երկրի հնագույն համալսարաններից է և այս տարի մշտն է հիմնադրման 95-ամյակը: «Մեր երկիրը փոքր է, ազգաբնակչությունը՝ փոքրաթիվ, սակայն այդ իրողության մեջ մեր համալսարանը բուհերի մեջ երկրորդն է իր ուսանողների, դասախոսների և աշխատակիցների թվով»,- ասաց Ռուբեն Միրզախանյանը:

Նա անդրադարձավ բուհի տարատեսակ մասնագիտություններին և ընդգծեց, որ մի քանիսի ուղղությամբ բուհը մենաշնորհ ունի:



ԸՊՄԸ ուսանողը պարգևատրվեց

Հանրապետության Նախագահի նստավայրում տեղի է ունեցել տեղեկատվական տեխնոլոգիաների (SS) ոլորտում ՀՀ Նախագահի 2017 թ. կրթական պարգևների համաձայն հանդիսավոր արարողությունը, որի ժամանակ Նախագահը մրցանակակիրներին հանձնել է տարբեր անվանակարգերում նրանց շնորհված պարգևները: Յուրաքանչյուր անվանակարգի համար վկայագրի հետ միասին երիտասարդները ստացել են նաև հուշատրոհի դրամիչներ և դրամական պարգևներ:

Սերժ Սարգսյանը շնորհավորել է բարձր առաջադիմություն ցուցաբերած և այս տարվա կրթական պարգևներին արժանացած ուսանողներին և աշակերտներին՝ մաղթելով, որ այդ մրցանակները լինեն նրանց առաջին քայլը մեծ հաջողությունների ճանապարհին:

Այս տարի ՀՀ Նախագահի ամենամյա կրթական պարգևի արժանացել են 26 ուսանող և 17 աշակերտ 6 բուհից և 8 ավագ դպրոցից: Մինչ այսօր SS ոլորտում տարբեր անվանակարգերում ՀՀ Նախագահի կրթական պարգևին արժանացել են 452 ուսանող և աշակերտ:

Միջոցառման շրջանակներում Նախագահի նստավայրում հյուրընկալվել և խրախուսվել է նաև 10-18 տարեկան աղջիկների համար աշխարհի խոշորագույն տեխնոլոգիական մրցույթում՝ «Թեքնովեյջն»-ում հաղթած Արագածոտնի մարզի Կարբի գյուղի Վահան Թեքեյանի անվան միջնակարգ դպրոցի աղջիկների թիմը, որը «Կրթություն» անվանակարգում ստեղծել է «Հայերեն ժեստերի լեզու» բջջային հավելվածը:

«Թող այս մրցանակները լինեն ձեր առաջին քայլը մեծ հաջողությունների ճանապարհին: Շնորհավորում են ձեզ և մաղթում լավ, պայծառ ապագա», -ասել է ՀՀ Նախագահ Սերժ Սարգսյանը:

Պարգևատրվողների մեջ էր նաև մեր համալսարանի Մաթեմատիկայի, ֆիզիկայի և ինֆորմատիկայի ֆակուլտետի ուսանողուհի Արմինե Ալեքսանյանը:

Մանկավարժական համալսարանի ռադիոն՝ Ֆաման, արդեն 4 տարեկան է:

Առաջին համալսարանական ռադիոն կոչվեց Ֆաման՝ ի պատիվ հունա-հռոմեական դիցարանի աստվածուհու, ով «ամեն ինչ լսում և ամեն ինչ տեսնում է»: Այսօր արդեն ռադիո Ֆաման՝ 24 ժամ եթերում նույն գործառույթն է իրականացնում:

Ռադիո Ֆաման առաջին անգամ եթեր է հեռարձակվել 2013 թվականի նոյեմբերի 1-ին:

Մեր Մարզայանը ռադիո Ֆամայի ղեկավարն է, նա համակարգում է ռադիո Ֆամայի աշխատանքները:

ՌԱԴԻՈ ՖԱՄԱՆ 4 ՏԱՐԵԿԱՆ Է

- Շուրջ 14 տարի դուք ուղղակիորեն կապ ունեք ռադիոյի հետ. ի՞նչ է ձեզ համար ռադիոն:

- Այո՛, ճիշտ եք, իմ կյանքը 14 տարի առաջ կապեցի ռադիոյի հետ և մինչ օրս շարունակում եմ ապրել այդ աշխարհում: Ռադիոն ինձ համար գաղտնի, հետաքրքիր ու նաև դեռևս լիովին չբացահայտված աշխարհ է, որտեղ ամեն օրը նոր ու գունեղ է:

- Ռադիո Ֆաման արդեն 4 տարեկան է, որքանով է կայացել Ֆաման:

- Ֆաման իր բնույթով ունիկալ է, քանզի այն միակ համալսարանական ռադիոկայանն է, նախ և առաջ հենց դրանով էլ ա-



ԳԻՏԱԺՈՂՈՎ

Անընդհատ կրթության անհրաժեշտությունն ու խնդիրները

«Մեծահասակների անընդհատ կրթությունը՝ որպես ժամանակակից հասարակության բնորոշ գիծ» խորագրով 2-րդ միջազգային համաժողովի աշխատանքները շարունակվեցին Մանկավարժական համալսարանում: Հոկտեմբերի 24-25-ը Սանկտ Պետերբուրգում մեկնարկած և Հայաստանում շարունակվող համաժողովին ԱՊՀ երկրների ներկայացուցիչներից բացի մասնակցում էին պատվիրակներ նաև արևմտյան և եվրոպական երկրներից:

«Գլոբալիզացիայի ժամանակաշրջանը ոչ միայն նոր հնարավորություններ է, այլև մարտահրավերների շրջան է.

դրանցից մեկն էլ մեծահասակների կրթությունն է: Ժամանակակից աշխարհը համաշխարհային կրթական համակարգի և ազգային ծրագրերի հենքի վրա օպտիմալացման լուծման համար առաջարկում է իր մեթոդներն ու ուղիները»,- ասաց պրոռեկտոր Սրբուհի Գևորգյանը միջազգային համաժողովի կլոր սեղան քննարկման ժամանակ: Վերջինը նկատեց, որ մանկավարժության տեսության և պատմության ամբիոնի կազմակերպած համաժողովում ներկայացված թեմաներն ընդգրկում են մեծահասակների անընդհատ կրթության վերաբերյալ մոտեցումների ողջ ասպեկտը,

որոնք կներկայացվեն ինչպես հայ, այնպես էլ ռուսական կրթական համակարգի առաջատար մասնագետների կողմից: Պրոռեկտորը ընդգծեց նաև, որ մեծահասակների կրթությունն այն համատեքստում, որն առաջադրված է պրակտիկայում, հիմնականում իր երեք՝ ֆորմալ, ոչ ֆորմալ և ինֆորմալ ձևերով, միանշանակ հաշվի չի առնում ներուժի արդիականացման հնարավորությունների կողմը, որ յուրաքանչյուր տարածաշրջան առաջադրում է այդ խնդիրների լուծման համար: ԱՊՀ երկրների փորձն այդտեղ ևս միանշանակ չէ, և ազգային ծրագրերը, որոնք ներկա-



ՀԱՅ-ՉԻՆԱԿԱՆ ԿՐԹԱԿԱՆ ՀԱՄԱԳՈՐԾԱԿՑՈՒԹՅՈՒՆ

➤ **1** Ռեկտորը մատնանշեց անցած տարեվերջին աշխատանքային պատվիրակության կազմում իր այցը Չինաստանի ժողովրդական Հանրապետություն և հավաստիացրեց՝ վճռական տրամադրությամբ պատրաստ է համագործակցել կնքված համաձայնագրով սահմանված ուղղություններով, որովհետև բարձր է գնահատում չին ժողովրդի պատմությունն ու մշակույթը:

Ռուբեն Միրզախանյանը հավելեց նաև, որ առաջիկայում կկազմակերպվեն փոխայցեր, որոնք հնարավորություն կընձեռեն մանրամասն ծանոթանալ բուհերում առկա այն ուղղություններին, որոնցով հնարավոր է համագործակցել:

«Բուհը բացառիկ հաջողություններ ունի սպորտային, մշակութային, շախմատի և այլ բնագավառներում: Միջազգային կրթական ասպարեզում շախմատը մեր բրենդն է», - ասաց Ռուբեն Միրզախանյանը և հույս հայտնեց, որ այս այցելությունները կլինեն արդյունավետ և օգտակար: ՀՊՄՀ ռեկտորը Չժու ժույայինին հանձնեց Պեկինի մանկավարժական համալսարանի ռեկտորին Մանկավարժական համալսարան այցելելու հրավեր:

Չժու ժույայինը շնորհակալություն հայտնեց ընդունելության համար և վստահեցրեց, որ գործընկերների հետ ունեցած քննարկումները արդյունավետ էին և հետաքրքիր:

«Եթե Մանկավարժական համալսարանում ներդրվի չինարենը, որպես մասնագիտություն, ապա այն երկու երկրների բուհերի համար մեծ ներդրում կլինի, քանզի երկու բուհերի առաքելությունն էլ մանկավարժներ պատրաստելն է, որոնք պետք է կրթեն ապագա սերունդներին», - ասաց Չժու ժույայինը՝ հավելելով՝ թանգարանում շրջելով արդեն համոզվել են՝ Մանկավարժական համալսարանն իր ժամանակի մեջ մեծ ազդեցություն է ունեցել և այժմ էլ ունի, իսկ բուհի հետ համագործակցությունը մեծ պատիվ համարեց:

Մանկավարժական համալսարանում հոկտեմբերի 30-ին տեղի ունեցավ հանդիպում Չինաստանից ժամանած պատվիրակության հետ:

Միջազգային կապերի գծով պրոռեկտոր Արա Երենյանն ընդգծեց, որ հանդիպումն սպասված էր, որովհետև բուհը մեծ նշանակություն է տալիս չինարեն լեզվին ու մշակույթին և պատրաստ է համագործակցել չինական կողմի հետ կրթական տարբեր ծրագրեր իրականացնելու նկատառումով: Պրոռեկտորը հավաստիացրեց, որ կապահովվի իրականացվող կրթական ծրագրերի որակն ու զարգացման ընթացքը:

Չժու ժույայինն ասաց, որ իրենց համար պատիվ է Հայկական պետական մանկավարժական համալսարանի հետ համագործակցելը:

Նա հակիրճ ներկայացրեց Պեկինի մանկավարժական համալսարանը և իր ղեկավարած ֆակուլտետը՝ ընգծելով, որ մեր և իրենց առաքելությունը ուսուցիչ պատրաստելն է:

Պեկինի մանկավարժական համալսարանը Չինաստանի լավագույն բարձրագույն կրթական հաստատություններից է, որը հիմնադրվել է 1902 թվականին, մեր համալսարանի հիմնադրումից դեռևս 20 տարի առաջ:

Մանկավարժական համալսարանում ուսուցանվող օտար լեզուների մասնագիտությունները ներկայացրեց Օտար լեզուների ֆակուլտետի ղեկավար Միքայել Միքայելյանը:



տետի ղեկավար Միքայելյանը: Նա նշեց, որ ֆակուլտետում ուսուցանվում են հիմնականում եվրոպական երկրների օտար լեզուներ, սակայն համալսարանում չինարեն լեզվի ներմուծումը ուսանողների առաջ կբացի նաև չինական հետաքրքիր ու յուրօրինակ մշակույթի դռները:

«Չինարեն լեզուն դժվար է սովորել՝ տառերից մինչև փիլիսոփայություն, սակայն մենք պատրաստ ենք ապահովել ակադեմիական այն մթնոլորտը, որում ուսանողները կկարողանան ուսումնասիրել չինարեն լեզուն և մասնավորապես մշակույթը», - ասաց Ս. Միքայելյանը: Դեկանն անդրադարձավ նաև այդ լեզվի ուսուցման մեթոդաբանությանը, որն իր հատուկ կարգավիճակով կառանձնանա մյուս լեզուների մեթոդաբանությունից:

Մկրտիչ Ավագյանը հյուրերին ներկայացրեց, որ համալսարանն ունի 45 բակալավրական և 54 մագիստրոսական մասնագիտություններ, և որ մանկավարժական մասնագիտությունների տիրույթում հատուկ տեղ ունեն օտար լեզուները, որոնք հանդես են գալիս թե՛ որպես առաջին, թե՛ որպես երկրորդ օտար լեզու:

«Այս պահին նպատակահարմար է և առավել դյուրին չինարենը որպես երկրորդ օտար լեզու ներմուծելը, բայց մեր վերջնական նպատակը չինարենը որպես առաջին օտար լեզու ներմուծելն է», - ասաց Ս. Ավագյանը՝ առաջարկելով երկուստեք աշխատանքային հեռահար



Աշխատանքային հանդիպումից առաջ չինական պատվիրակությունը ծանոթացավ համալսարանի թանգարանին:

Չինացի գործընկերները եղան նաև բուհի Գեղարվեստական կրթության և Կուլտուրայի ֆակուլտետներում:

Գեղարվեստական կրթության ֆակուլտետում նրանք ծանոթացան մասնագիտություններին, դասավանդվող առարկաներին, պրոֆեսորադասախոսական կազմի հետ հանդիպումից հետո ծանոթացան նկարչության, քանդակագործության, արվեստի պատմության, դիզայնի դասերին, նաև հայ մասնագետների դասավանդման մեթոդներին:

Այնուհետև Կուլտուրայի ֆակուլտետում պարարվեստի մանկավարժության ամբիոնի վարիչ, պրոֆեսոր Կարեն Գևորգյանի ուղեկցությամբ ներկա գտնվեցին ապագա պարուսույցների փորձին, էկրաններով դիտեցին բուհի ուսանողների մասնակցությամբ չինական ազգային պարի բեմադրությունները:

Պեկինից ժամանած հյուրերին երաժշտական կատարումներով անակնկալ մատուցեց ֆակուլտետի փողային նվագախումբը, ապա օտարերկրյա հյուրերի համար ապագա ռեժիսորները բեմադրություն ներկայացրին:

Այցն ավարտվեց Արմեն Հովհաննիսյանի անվան ուսումնական ստուդիա այցելությամբ, որտեղ հյուրերը ծանոթացան ապագա հեռուստալրագրողների պրակտիկ գործունեությանը:





Անընդհատ կրթության անհրաժեշտությունն ու խնդիրները

➤ 1 յացվում են կրթական տարբեր հարթակներում այդ խնդրի լուծման համար, առաջադրում են նոր պահանջներ, որոնցում կարևոր է տնտեսական իրողությունները հաշվի առնելը:

Համաժողովի կազմակերպիչի դեկան, մանկավարժական գիտությունների դոկտոր Մարինա Յակուշկինան իր ելույթում ևս անդրադարձավ թեմայի կարևորությանը՝ նկատելով, որ մեծահասակների անընդհատ կրթությունը շատ դեպքերում թույլ է տալիս լուծել քաղաքական, տնտեսական և մշակութային խնդիրներ: «Թեմայի վերաբերյալ քննարկումները նոր չեն, ու խնդիրների մասին առաջին անգամ չէ, որ



բարձրաձայնում ենք: Սա ավանդական համաժողով է, որի ընթացքում հասկացել ենք՝ միայն մանկավարժը չէ, որ հանդիսանում է այդ մեծ՝ համաշխարհային կրթական տարածքի մասնիկը, այլև այն բոլոր մեծահասակները, որոնք կան այդ ասպարեզում», - ասաց Ս. Յակուշկինան:

Մանկավարժության տեսության և պատմության ամբիոնի վարիչ, պրոֆեսոր Լաուրա Ասատրյանն անդրադարձավ այն խնդրին, որ այս դարաշրջանում զարգացումը ընթանում է շատ արագ և ժամանակին համընթաց լինելու համար առաջանում է մեծահասակների հետբուհական, շարունակական կրթության, ինչպես նաև վերաորակավորման ու վերամասնագիտացման անհրաժեշտություն:


«Ներկայացվող թեմաներն այսօր ցավոտ խնդիր են՝ հաշվի առնելով օպտիմալացումը, դպրոցների վերամիավորումը, որի արդյունքում էլ առաջ է գալիս մասնագիտությունների ինտեգրացիա, հետևաբար վերաորակավորումը դառնում է անհրաժեշտություն: Միջազգային ֆորումը կազմակերպվել էր փոխօգնության, փորձի փոխանակման, համագործակցության նպատակով, ինչպես նաև՝ քննարկվելու արտադպրոցական հաստատությունների զարգացման հարցը: Մինչև ԽՍՀՄ փլուզումն այդ երկրներում արտադպրոցական լայն ցանց է եղել, իսկ այսօր դրանք դադարել են գործել, հատկապես ՀՀ-ում», - ասաց Լ. Ասատրյանը:

Բանախոսն անդրադարձավ նաև ՀՀ-ում կիրառվող մեծահասակների կրթության տեխնոլոգիաներին՝ նկատելով, որ այսօր էլ կան կրթության իրականացման արդյունավետ մեթոդներ, որն էլ կնպաստի դառնալ շուկայի պահանջներին համապատասխան:

Հանդիպման ավարտին մասնակիցներից տրվեցին պատվոգրեր, հյուրերը եղան նաև բուհի թանգարանում:

Սոնա ԱՐԱՄՅԱՆ

ԳԻՏԱԺՈՂՈՎ. «ՍՅՈՒՆԻՔԸ՝ ԿՐԹՈՒԹՅԱՆ ԵՎ ՄՇԱԿՈՒՅԹԻ ՕՋԱԽ»



դարից Սյունիքն ապրել է կրթամշակութային վերելք. հիմնադրվել է Տաթևի համալսարանը, որը համարվում էր «Աղբյուր իմաստից՝ ի վարդապետարանն Սյունյաց»։ Այն հետագայում դարձել է համահայկական կրթամշակութային կենտրոն։ Հռչակավոր է եղել նաև Գլաձորի համալսարանը, որն անվանել են «Երկրորդ Աթենք»։

Միջնադարյան Հայաստանի համալսարանները հսկայական դեր են կատարել գիտության և մշակույթի պատմության մեջ՝ պատրաստելով գիտության և արվեստի տարբեր բնագավառների մասնագետներ, որոնք ոչ միայն ստեղծեցին հայ մշակույթի կոթողներ, այլև կարևոր նպաստ բերեցին համաշխարհային քաղաքակրթությանը։ Դարեր շարունակ Սյունյաց աշխարհի հոգևոր ու աշխարհիկ առաջնորդների, մշակութային, կրթական գործիչների հոգածության շնորհիվ Սյունիքում նույնիսկ ամենածանր պայմաններում պահպանվել է ազգային կրթօջախների կենսահաստատությունը։

Գորիսի պետական համալսարանը հնավանդ Սյունյաց աշխարհում Տաթևի վարդապետարանից հետո երկրորդ բարձրագույն ուսումնական հաստատությունն է և անցել է փառավոր ուղի։

ԱԶԱՏՈՒՐ Աբովյանի անվան հայկական պետական մանկավարժական ինստիտուտի Գորիսի մասնաճյուղի ստեղծումը պատմական կարևորագույն իրադարձություն էր։ Մասնաճյուղի ստեղծմամբ Սյունիքի մտավորականները լայն հնարավորություն էին ստանում աշխատելու մարզում և ծառայելու հայրենակիցների գիտական ու մշակութային պահանջներին։

Հոկտեմբերի 19-20-ին Գորիսում տեղի ունեցավ «Սյունիքը կրթության և մշակույթի օջախ» գիտաժողովը՝ նվիրված Գորիսի պետական համալսարանի հիմնադրման 50-ամյակին։

Գիտաժողովին մասնացում էին և գիտական զեկուցումներով հանդես եկան ՀՀ-ի հայ հին և միջնադարյան գրականության դասավանդման ամբիոնի վարիչ, ԳԱԱ թղթակից անդամ, բանասիրական գիտությունների դոկտոր, պրոֆեսոր Ալեյտա Դուլխանյանը, բանասիրական գիտությունների դոկտոր, պրոֆեսոր Վազգեն Համբարձումյանը, ՀՀ-ի մանկավարժության տեսության և պատմության ամբիոնի վարիչ, մանկավարժական գիտությունների դոկտոր, պրոֆեսոր Լաուրա Ասատրյանը, մանկավարժական գիտությունների դոկտոր, պրոֆեսոր Շողիկ Ոսկանյանը, դոցենտներ Մարգարիտա Ասատրյանը, Լյուկա

Հարությունյանը, Զաբելա Զոհրաբյանը։

Առանձնակի հետաքրքրություն էին ներկայացնում ՀՀ ԳԱԱ թղթակից անդամ, պրոֆեսոր Ալեյտա Դուլխանյանի «Սյունյաց Մեծ անապատը և հայ հոգևոր կյանքի վերածնունդը», պրոֆեսոր Լաուրա Ասատրյանի «Առաքել Սյունեցու մանկավարժական հայացքները» գիտական զեկուցումները, որոնք նոր խոսք էին մանկավարժական մտքի պատմության մեջ։

Հետաքրքրությամբ լսվեցին նաև պրոֆեսոր Շ. Ոսկանյանի, Վ. Կարապետյանի, Զ. Զոհրաբյանի «Տաթևի դպրոցը և նրա անխոնջ մշակը», Մ. Ասատրյանի և Լ. Հարությունյանի «Գլաձորի համալսարանի ուսումնականները և նրանց ազդեցությունը Սյունիքի գիտակրթական մտքի զարգացման վրա» զեկուցումները։

Բացման խոսքում Գորիսի պետական համալսարանի ռեկտոր Արտուշ Դուլխանյանը շնորհակալական խոսք հղեց Խ. Աբովյանի անվան ՀՀ-ին, որի մասնաճյուղն է 1967 թվականից մինչև 1984 թվականը։

Երկօրյա գիտաժողովի մասնակիցները եղան նաև Սյունիքի պատմամշակութային վայրերում, ըմբռնեցին բակուցյան չքմաղ աշխարհի աշնանային հրաշագեղ գույները։



Դասախոսություններ Հունգարիայում



Հոկտեմբերի 18-22-ը Մանկավարժական համալսարանի ակադեմիկոս Գեորգ Բրուտյանի անվան փիլիսոփայության և տրամաբանության ամբիոնի դոցենտ, փիլիսոփայական գիտությունների թեկնածու Անդրանիկ Ստեփանյանը հյուրընկալվել էր Հունգարիայի Պիտեր Պազմանի անվան կաթոլիկ համալսարանում: Վերջինս այնտեղ էր նույն համալսարանի փիլիսոփայության ամբիոնի վարիչ և փիլիսոփայության բնագավառում դոկտորական ծրագրերի տնօրեն, պրոֆեսոր, դոկտոր Բուլա Մեզեյի հրավերով:

Մանկավարժական դասախոսը հոկտեմբերի 20-ին Բուդապեշտի Կորվինուս (Corvinus) համալսարանի միջազգային հարաբերությունների ֆակուլտետի մագիստրատուրայի ուսանողների համար ներկայացրել է «Մշակույթի ըմբռնումը, էթնոցենտրիզմը, մշակութային բազմազանությունը և բազմամշակութայնությունը», իսկ հաջորդ օրը՝ Պիտեր Պազմանի անվան կաթոլիկ համալսարանի փիլիսոփայության ֆակուլտետի ասպիրանտների (դոկտորանտներ) համար՝ «Գաբրիել Վահանյանը և Աստուծո մահվան ուսմունքը» թեմաներով դասախոսությունները:

Այցի ընթացքում եղել են նաև մի շարք կարևոր հանդիպումներ, որոնց ընթացքում քննարկվել են համագործակցության և համատեղ հետազոտական ծրագրերի իրականացնելու հնարավորությունները:

Բուդապեշտ կատարած այցի շրջանակներում Անդրանիկ Ստեփանյանը Հայ կաթոլիկ եկեղեցուն հանդիպել է Պիտեր Պազմանի անվան կաթոլիկ համալսարանում սովորող ՀԱՄԿ-ի ուսանողների հետ, ինչպես նաև Բուդապեշտի պետական համալսարանի ինչպես նաև Բուդապեշտի պետական համալսարանի դասախոս, հայագետ Բենեդեկտ Զիգմունդին:

Քննարկումներ Բրյուսելում

Հոկտեմբերի 9-10-ը TEMPUS ESPAQ (Հայաստանի բարձրագույն ուսումնական հաստատություններում ուսանողների մասնակցության բարձրացումը Որակի ապահովման (ՈԱ) գործընթացներում) ծրագրի շրջանակներում Բելգիայի Բրյուսել քաղաքում կայացած կորոզիցիոն հանդիպումներ, որին մասնակցում էին նաև ՀԱՄԿ-ի ուսումնական գործընթացների գծով պրոռեկտոր Սիեր Սելիք-Բախշյանը, ուսումնական բաժնի պետ Հասմիկ Առաքելյանը, միջազգային համագործակցության բաժնի պետի տեղակալ Աննա Հախումյանը, մասնագետ Ռաիսա Ավետյանը, ուսանողական խորհրդի նա-



խագահ Ներսիկ Մարգարյանը, ինչպես նաև Կրթության հոգեբանության և սոցիոլոգիայի ֆակուլտետի ուսանող Միշա Թադևոսյանը:

Բրյուսելում կայացած հանդիպումների ընթացքում քննարկվեց որակի ապահովման գործընթացում ուսանողների ներգրավման վերաբերյալ ձեռնարկի նախագիծը, ինչպես նաև գործընկեր համալսարանների ուսանողների, աշխատակիցների այցերի արդյունքները, եզրափակիչ գիտաժողովի կազմակերպման մանրամասները:

Ուսանողները մասնակցեցին նաև խմբային քննարկումներին, որոնց ընթացքում անդրադարձ եղավ բուհերում որակի ապահովման գործընթացում ծրագրի իրականացման ընթացքում ուսանողների ներգրավման աստիճանի բարձրացմանը:

ԻՏԱԼԻԱՅՈՒՄ ՄԱՍՆԱԿՑԵՑԻՆ ԳԻՏԱԺՈՂՈՎԻՆ

Հոկտեմբերի 9-13-ը Իտալիայի Տրիեստ քաղաքի Տեսական ֆիզիկայի միջազգային կենտրոնում (The Abdus Salam International Centre for Theoretical Physics) ՏՖՄԿ (ICTP) անցկացվեց «Ֆիզիկայի բնագավառում կանանց կարիերայի առաջընթաց» խորագրով գիտաժողով: Գիտաժողովին մասնակցում էին աշխարհի 40 երկրների հայտնի համալսարանների, լաբորատորիաների, բարձրագույն տեխնիկական դպրոցների ներկայացուցիչներ:

ՀԱՄԿ-ի և ՏՖՄԿ-ի միջև գործող պայմանագրի շրջանակներում Մանկավարժական համալսարանից գիտաժողովին մասնակցելու հրավեր էին ստացել նաև ֆիզիկայի և նրա դասավանդման մեթոդիկայի ամբիոնի դասախոս, ֆիզմաթ գիտությունների թեկնածու Նարինե Բաբաջանյանը և ամբիոնի մասնագետ, ֆիզիկոս Նունե Մխիթարյանը:

Գիտաժողովի ընթացքը հագեցած էր ֆիզիկայի և այլ բնագավառներում կանանց կարիերային ու առաջընթացին վերաբերող ելույթներով, քննարկումներով, բանավեճերով: Մանկավարժական համալսարանի ներկայացուցիչները տեսապատման միջոցով ներկայացրին տարատեսակ նյութեր՝ Մանկավարժական համալսարանի և ամբիոնում իրենց իրականացրած աշխատանքների վերաբերյալ:



Գիտության բացահայտումները գեղեցիկ միջոցով

«Գեղեցիկը բնության մեջ, արվեստում և գիտության մեջ, մասնավորապես՝ մաթեմատիկայում», Մանկավարժական համալսարանում կայացած Մաթեմատիկայի և նրա դասավանդման մեթոդիկայի ամբիոնի վարիչ, պրոֆեսոր Համլետ Միքայելյանի դասը մարդու կյանքը կարգավորող հիմնական բաղադրիչներից մեկի՝ գեղեցիկի մասին էր:

Գեղեցիկը զգալու, տեսնելու, ապրելու հնարավորություն ունեցան Գ. Ադդարյանի անվան .№ 133 հիմնական դպրոցի 7-9-րդ դասարանների աշակերտները:



Պլուրազորասի հայտնի թերեմից մինչև ամենատարբեր խնդիրների գեղեցիկ լուծումներ. աշակերտները դոկտորի օգնությամբ դպրոցական պատերից դուրս առաջին անգամ այլ ձևաչափում ունկնդրեցին և իրենց ծանոթ գիտությունը բացահայտեցին նոր, մեկ այլ կողմից:

«Ի հակադրություն կյանքի՝ մաթեմատիկան պարզ է ու հեշտ, իսկ նրա առաջադրած խնդիրների լուծումների գործընթացն այն դարձնում է գեղեցիկ: Սա գիտություն է, որը զարգացել է գեղագիտական մոտիվների շնորհիվ և դրոշմ է ուրուշակի բացահայտման, ունի արտաքին և խորքային գեղեցկություն», - նշեց Համլետ Միքայելյանը և մի շարք օրինակների, խնդիրների միջոցով կրտսեր սերնդին պարզաբանեց արվեստի, բնության և մաթեմատիկայի միջև եղած գեղեցիկ տարբերությունները:

Պրոֆեսորը պատգամեց անվան .№ 133 հիմնական դպրոցի սաներին՝ կարևորել իմացությունը, գիտելիքը. այն անհրաժեշտ է և դրա համար էլ գեղեցիկ է:

«Մաթեմատիկայի գեղեցիկը նաև իմանալու, որոնելու, լուծումներ գտնելու մեջ է. պետք է իմանալ, լցնել միտքն ու հոգին՝ դրա շնորհիվ կյանքում կատմես և չես կորցնի», - դասն ամփոփեց բանախոսը:

.№ 133 հիմնական դպրոցի 9-րդ դասարանի աշակերտուհի Ջուլիետա Ղազարյանը անկեղծացավ՝ տրամաբանական հարցերի շնորհիվ առավել ամրապնդվեցին դպրոցում ստացած գիտելիքները:

Նույն դպրոցի մաթեմատիկայի ուսուցչուհի Գեղեցիկ Մարտիրոսյանի համար դասը պատմական է. ուղիղ 30 տարի առաջ մանկավարժական բուհում իրեն դասավանդած պրոֆեսորն այսօր սիրո, գեղեցիկի և մաթեմատիկայի միջև զուգահեռներ է անցկացնում իր կողմից կրթվող սերնդի համար՝ նրանց տանելով այդ գիտության բացահայտումների նոր ճանապարհով:

Պատմամշակութային Նոր տրավերություններով

Պատմության և իրավագիտության ֆակուլտետի ուսանողական խորհրդի անդամները՝ պատմական գիտությունների թեկնածու, դոցենտ, դասախոսներ Ա. Հարությունյանի և Ա. Եփրիկյանի գլխավորությամբ, հոկտեմբերի 22-ին այցելեցին Հայաստանի տարբեր պատմամշակութային վայրեր, ապա հնարավորություն ունեցան հեռվից դիտելու պատմական Անի քաղաքը:



Օրը սկսվեց հայտնի Երեբունյի տաճարի ուսումնասիրությամբ, որտեղ ուսանողները ծանոթացան տաճարի պատմությանը, կառուցվածքին, ճարտարապետական առանձնահատկություններին, ուսումնասիրեցին շրջակա հնագույն շինությունները: Այնուհետև Անիպեմզա գյուղի մոտակայքից նրանք հնարավորություն ունեցան ուսումնասիրելու Անի քաղաքը, ընդհանուր պատկերը, եկեղեցիները: Դասախոսների օգնությամբ ապագա պատմաբանները ծանոթացան քաղաքի պատմությանը, ճարտարապետական շինություններին, առանձնակի ուշադրություն հատկացրին դեռևս կանգուն եկեղեցիներին և շինություններին:

Դասախոս Ա. Հարությունյանը խոսեց Անի անվան ծագման, մայրաքաղաքի եկեղեցիների պատմության մասին, ապա նշեց, որ Անիի մայր տաճարը հիմք է հանդիսացել է եվրոպական, ռոմանական և գոթական ճարտարապետության համար:

Այցի միջոցով ուսանողները կարողացան թեկուզև հեռվից տեսնել և ուսումնասիրել հայոց հնամենի մայրաքաղաքը: Հետաքրքիր ու բովանդակալից այցից հետո նրանք կանգ առան Թալինի Կաթողիկե եկեղեցու մոտ՝ ծանոթանալու եկեղեցու պատմությանն ու կառուցվածքային առանձնահատկություններին:

Օրը բավական հագեցած էր՝ լի ազգային երգ ու պարով, հետաքրքիր ու նոր տպավորություններով ու գիտելիքներով:

Տաթև Արշակյան, Անժելա Ամբրոջան
Պատմության ֆակուլտետի ուսանողներ

ՈՒՍՈՒՑԻՉԸ ՄԵՐ ԲՈՒՅԻ ՇՐՋԱՆԱՎԱՐՏՆ Է ԳՈՒՆԱՎՈՐ ԵՐԱԶՆԵՐԻ ՃԱՆԱԴՊԱՐՏԸ



ինչպես էր դպրոցական դասերը սովորելու համար երկար ու անքուն գիշերներ անցկացնում վառվող լամպի լույսի տակ: Ասում է՝ հեշտ չէր, բայց այդ ժամանակ դժվարության մասին չի էլ մտածել, որովհետև գուցե կիսախավար էր ամեն ինչ, սակայն երազներն այնքան գունավոր էին: Ու երբ մարդիկ մրտում էին, ու երբ կանգնած էր հերթում՝ հացի համար, կարեկցանք զգաց, թե ի՞նչ, բայց մտածեց՝ բժիշկ է դառնալու, որ

ժամանակին չհասկացավ՝ ինչպես հանկարծ ծնվեց մեկ ուրիշ երազանք. մանկավարժ դառնալու երազանքը: Ասում է՝ այն ժամանակ կարծես չգիտակցված ընտրություն էր, հետո է հասկանում՝ նպատակը սերունդներին միայն քիմիա սովորեցնելը չէր, այլ մարդու հոգու հետ աշխատելը, մտնելը դեռ մոր ձևավորվող ներաշխարհի ու դեռափոփոք հոգիներին ճիշտ ուղու վրա դնելը: Խոստովանում է՝ բժշկությունից շատ հեռու

Որոշեց, սովորեց, ընդունվեց Խ. Աբովյանի անվան հայկական պետական մանկավարժական համալսարանի կենսաբանության և քիմիայի ֆակուլտետի քիմիայի բաժին...

Երբ ավարտեց այն, իր դասախոսների երաշխավորությամբ մանկավարժական առաջին քայլերն էլ սկսեց հենց բուհի հեռակետային վարժարանում: Հիշում է առաջին անգամ դասարան մտնելը դեռ ուսանելու տարիներին, տազնապը, որ գուցե չստացվի, կասկածը՝ մասնագիտության ճիշտ ընտրության հարցում: Հիմա է գնահատում, որ այդ ամենը պատասխանատվության խորը զգացումից էր, այն գիտակցումից, որ հեշտ չէ մանկավարժ լինելը:

Միայն տարիների համառ աշխատանքը, անձնվիրումը բուհին ու վարժարանին և գլխավորը՝ աշակերտներին, հիմնադրում էր մասնագիտական վերելքերի համար: Քրտնաջան աշխատանքը հասել է նպատակակետին, որի առիթով աշակերտների մեծագույն հարգանքն է նրա նկատմամբ:

Նա իր աշակերտների, ինչու չէ՞ նաև գործընկերների համար օրինակ է ոչ միայն ամբարած գիտելիքների պաշարով, այլ նաև մեղմ բնավորությամբ ու բնածին խոհեմությամբ:

Վանուհի ԲԱՂՄԱՅԱՆ



մարդկային կյանքեր փրկի: Բժշկուհի դառնալու անհագ ցանկությամբ էլ սկսեց պատրաստվել բուհական ընդունելության քննություններին: Ինքն էլ

չի գնացել, պարզապես մտածել է՝ ֆիզիկական ցավն ուրիշ է, այն բուժելն էլ է գուցե ուրիշ, այլ է երեխայի հոգու հետ գործ ունենալը:

ՈՒՍԱՆՈՂԻ ՕՐԱԳՐԻՑ

ԵՍ ԱՊԱԳԱ ԼՈԳՈՊԵԴ ԵՄ

Լինել ՀՀ-ի ամենամարդասիրական ֆակուլտետի արժանի ուսանող հեշտ չէ, բայց քրտնաջան աշխատանքի արդյունքում, կարծում եմ, հնարավոր է: Չէ, ամենակին էլ նկատի չունեմ, թե ես հասել եմ դրան:

Սովորելով Հատուկ կրթության ֆակուլտետի «Լոգոպեդիա» մասնագիտության արդեն մագիստրատուրայի 2-րդ կուրսում, միշտ փորձել եմ հնարավորություններս սահմաններում հասարակական, մարդասիրական գործունեություն ծավալել՝ հաճախ փորձելով զուգակցել մարդասիրությունն առօրյա ուսանողական կյանքի հետ: Դրա վառ օրինակներից է «30 առողջ օր» ծրագրի մշակումն ու իրականացումը ՀՀ-ի Հատուկ կրթության ֆակուլտետում, նույն ֆակուլտետի ուսանողներով «Արի խաղանք» ներառական կրթության ընկալմանը նպաստող ծրագրի մշակումը և իրականացումը: Այս ամենն իրականացնելու համար, իհարկե, միայն ցանկությունը բավարար չի եղել: Շատ մեծ է եղել ՀՀ-ի ռեկտորի աջակցությունը, ով ամեն անգամ համալսարանում մոր ծրագրի իրականացնելու առաջարկին պատրաստակամորեն աջակցել է: Անփոփոխելի է նաև ֆակուլտետի ղեկավարության աջակցությունը նմանօրինակ միջոցառումների կազմակերպման

հարցում: Ընդառաջ գնալով դեկտեմբերի 1-ին ՁԻԱՀ-ի դեմ պայքարի համաշխարհային օրվան, առանձնացնեմ անցյալ տարվա մեր փորձը, երբ ՀՀ-ի կողմից կազմակերպված ծրագրի շրջանակներում Հայաստանի համալսարաններ այցելեցին ՀՀ ՁԻԱՀ-ի կանխարգելման հանրապետական կենտրոնի բժիշկները և իրականացրին ամանուն հետազոտություններ՝ պարզելու համար ուսանողների ՄԻԱԿ

կարգավիճակը: Հպարտությամբ ուզում եմ նշել, որ մեր համալսարանում, կամավորներիս կողմից կազմակերպված փոքրիկ իրազեկող սեմինարների արդյունքում զրանցվեց հետազոտության դիմողների ամենաբարձր ցուցանիշը: Սա խոսում է, մեր համալսարանի ուսանողների՝ թեմային իրազեկ լինելու, սեփական առողջության մասին հոգալու գիտակցության և խնդրի կանխարգելման համար քայլ անելու պատրաստակա-

մության մասին: Մանկավարժական համալսարանի ուսանող լինելն ունի մի շարք առավելություններ. դրանցից մեկը միջազգային փորձի փոխանակման ծրագրերին մասնակցելու հնարավորությունն է: Եվ լինելով մարդասիրական մասնագիտության ապագա կրող, Մանկավարժական համալսարանի



կազմակերպած «Ամառային դպրոց» ծրագրի շրջանակներում հնարավորություն ստացա այցելել Հունգարիա: Մտքովս անգամ չէր անցնում, որ այնտեղ մարդասիրական աշխատանք կատարելու առիթ կլինի. հուզմունքով եմ հիշում այն դեպքը, երբ ինձ հաջողվեց ինքնավար սուսնից հետ պահել հարբած քաղաքացուն, որը կամրջի արգելապատնեշից այն կողմ էր անցել և ցանկանում էր ցած նետվել:

Անփոփելով ամենը՝ ուզում եմ նշել, որ վստահ եմ մասնագիտության և համալսարանի ճիշտ ընտրության հարցում, քանի որ այն ինձ հնարավորություն է տալիս աշխատել՝ իմ գիտելիքներն ու հմտությունները ծառայեցնելով մեր հասարակությանն ու պետությանը:

Հերմինե ԿԱՅՅԱՆ
Հատուկ կրթության
ֆակուլտետի ուսանողուհի





«Մասնագիտությունը ձեզ ուղեկցելու է ողջ կյանքի ընթացքում»,-

ասում է դեկան Է. Հովհաննիսյանը

ՀՊՄՀ պատմության և իրավագիտության ֆակուլտետում հետաքրքիր ավանդույթ է ձևավորվել. Երևան քաղաքի և մարզերի հանրակրթական դպրոցների աշակերտների համար համալսարանում կազմակերպվում է օլիմպիադա պատմություն և առարկայից, և հաղթողները խրախուսվում են: Նրանք, ովքեր բարձրագույն ուսում ստանալու համար դիմում են վերոհիշյալ ֆակուլտետ՝ օլիմպիադայում լավագույն տեղեր զբաղեցնելու դեպքում օգտվում են ուսման վար-

ձավճարի գեղչերից: Ֆակուլտետի դեկանների նախաձեռնությամբ աշակերտները նաև ծանոթանում են բուհի պատմությանն ու մասնագիտություններին, ինչը նապաստում է նրանց մասնագիտական կողմնորոշմանը:

Օլիմպիադայի հերթական փուլի բացմանը դպրոցականներին ողջունեց ֆակուլտետի դեկան Էդգար Հովհաննիսյանը, ով խոսեց Մանկավարժական համալսարանի կրթական ծրագրերի առավելությունների, չավելացվող վարձավճար-



ների, լսարանների տեխնիկական հագեցվածության և օլիմպիադայի անցկացման նպատակների մասին:

«Վստահ եղեք, որ օլիմպիադան անկողմնակալության մթնոլորտում է անցկացվում,- հավաստիացրեց դեկանը՝ հավելելով, որ ներկա են նաև նախորդ տարվա օլիմպիադայի հաղթողները, ովքեր պարզևատրվել են մեկ տարվա վարձավճարի գեղչով: Մասնագիտությունը ձեզ ուղեկցելու է ամբողջ կյանքի ընթացքում, ընտրեք ճիշտ մասնագիտություն, աշխատեք չսխալվել: Արագ փոփոխվող աշխարհում երեխաներն էլ հնարավորություն ունեն գումար վաստակելու. այս տեսանկյունից պատմության օլիմպիադան արդա-

րացված է»:
Օլիմպիադան ընթացավ գիտելիքների դոստրման ազնիվ մրցապայքարում: Դպրոցականներից շատերի համար, կարելի է ասել, սա առաջին փորձությունն էր մասնագիտության ընտրության ճանապարհին. և՛ նրանց համար, ովքեր արդեն կողմնորոշվել են, և՛ նրանց, ովքեր դեռ մտածում են ինչ մասնագիտություն ընտրել... Արդյունքներն էլ ամփոփվեցին: Առաջիկայում պարզ կդառնա, թե ովքեր են լավագույնները և ովքեր են համալրելու մեր բուհի ապագա պատմաբանների շարքերը:

Սիլվա ԱՄՐՅԱՆ



ՌԱԴԻՈ ՖԱՄԱՆ 4 ՏԱՐԵԿԱՆ Է

➤ 1 ռանձնանում է մյուս առցանց և եթերային ռադիոկայաններից: Ֆաման հեռարձակվում է բուհական տարածքում՝ Մանկավարժական համալսարանի բոլոր մասնաշենքերում, ինչպես նաև՝ առցանց: Դատելով ունկնդիրների և ուսանողների ոգևորվածությունից, կարող են ասել, որ համալսարանական ռադիոն կայացել է: Վստահ են, որ այն կարողացել է այս 4 տարիների ընթացքում գրավել մեր ունկնդիրն և դառնալ նրա հավատարիմ բարեկամը:
- Ո՞րն է ֆամայի հիմնական նպատակը:
- Ֆամայի նպատակը եղել է ՀՊՄՀ-ի ուսանողներին, հատկապես Կուլտուրայի ֆակուլտետի հեռուստառադիոլրագրության բաժնի ուսանողներին գործնա-

կան հարթակ տրամադրելը: Մանկավարժական համալսարանի ուսանողներն այլևս կարիք չունեն որևէ այլ ռադիոկայանում պրակտիկա անցնելու: Բուհի դեկանության օժանդակությամբ ու պատրաստականությամբ՝ մենք կառուցեցինք տեխնիկապես հագեցված պրոֆեսիոնալ ստուդիա՝ իր բոլոր սարքավորումներով, որտեղ համալսարանի բոլոր ուսանողները կարող են իրենց ստացած տեսական գիտելիքները գործնականում կիրառել: Հեռուստառադիոլրագրության բաժնի ուսանողների՝ ապագա լրագրողների համար այն գործնական պատրաստվածության բաց հարթակ է: Բացի այդ, ռադիո ֆաման ևս մեկ կարևոր տեղեկատվական գործառնություն է իրականացնում:

- Ի՞նչ բովանդակությամբ հաղորդումներ են հեռարձակվում:
- Բազմաբնույթ հաղորդումներ ունենք: Նշենք, որ ռադիո ֆամայի առաջին հաղորդումները եղել են լրատվական և այսօր էլ դրանք շարունակվում են՝ օրական 4 անգամ՝ 12.30, 15.00, 18.00, 21.00 ժամերին: Այնուհետև ժամանակի ընթացքում հաղորդումներն ավելացան, այսօր ունենք բազմաբնույթ ու բազմաբովանդակ հաղորդումներ՝ մշակութային, կրթական, սպորտային, երաժշտական, ժամանցային և այլն: Տասը հաղորդում է այսօր եթեր հեռարձակվում, որը պատրաստվում է միայն ուսանողների կողմից: Փորձել ենք հնարավորինս ամեն բան անել, որպեսզի եթերում լինեն ունկնդիրն հետաքրքրող բոլոր ոլորտները:
- Ի՞նչ լսելիություն ունի ռադիոկայանը:
- Ֆաման լսելի է ՀՊՄՀ-ի բոլոր մասնաշենքերում, մեր ուսանողները հնարավորություն ունեն ցանկացած ժամի մեզ ունկնդրել, քանզի 24 ժամ եթերում ենք: Նաև հնարավորություն ունեն առցանց հետևել հաղորդումներին, իսկ բաց թողնելու դեպքում՝ կարող են www.radiofama.am կայքում գտնել իրենց նախընտրած հաղորդաչափը: Այս դարաշրջանում համացանցի հնարավորությունը շատ կարևոր է, քանզի մեր լսելիությունն առավել շատ է առցանց հեռարձակման շնորհիվ: Եթե անդրադառնանք մեր իրականացրած մոնիթորինգին, ապա պետք է ասենք, որ մեզ լսում են աշխարհի 140 երկրից, իսկ ամսվա լսումների ընդհանուր քանակը 11250 է:
- Ռադիո ֆաման ունի՞ կարգախոս, որին հետևում է:
- Այո, մեր անունը հենց հուշում է դրա մասին. մենք ամեն ինչ տեսնում ենք և ամեն ինչ լսում ուր էլ, որ լինենք: Եվ, բնականաբար, այդ ամենը փոխանցում ենք մեր ունկնդիրն:
- Ուսանողները հետաքրքրվո՞ւմ են, ոգևորվո՞ւմ են ռադիոյով:
- Սկզբնական շրջանում այդքան էլ տեղեկացված չէին, սակայն այսօր բավակա-

- մին տեղեկացված են ռադիոյից, հետևում են, ցանկություն են հայտնում աշխատել մեզ հետ, հեղինակային հաղորդումներ պատրաստել և այլն: Չպետք է մոռանանք, որ մեր հիմնական հաղորդումների հեղինակները հենց նրանք են, ի դեպ ՀՊՄՀ-ի հեռակետային վարժարանի աշակերտները ևս համագործակցում են մեզ հետ և ունեն իրենց սեփական հաղորդաչափը:
- Ի՞նչ նոր նախագծեր են սպասվում ապագայում:
- Ամբողջատ փորձում ենք արդեն իրենց հստակ տեղը գրաված հաղորդաչափերում նոր մոտիվներ մտցնել և թարմ շունչ հաղորդել եթերացանցին: Ռադիո ֆաման զարգացող օրգանիզմ է և ամեն անգամ նոր, հետաքրքիր մտքերով ու ծրագրերով է հանդես գալիս՝ շարժվելով ժամանակի պահանջներին համապատասխան: Շատ կցանկանայի, որ հնարավորության դեպքում այն դառնար FM ռադիոկայան, որպեսզի մեր իրականացրած աշխատանքն ավելի ակնառու լիներ և հասանելի լիներ հասարակությանը:
- Ո՞րն է ռադիո ֆամայի հաջողության գրավականը:
- Մեր աշխատանքը հաջողվում է մեր փոքր, բայց փորձառու թիմի շնորհիվ: Ռադիոյի կայացման գործում մեծ ներդրում ունեն նաև մեր առաջին հաղորդումների հեղինակները, որոնք այսօր արդեն մեզ հետ չեն: Մեր հաջողությունը նվիրյալ թիմի աշխատանքի շնորհիվ է: Օգտվելով առիթից՝ կուզենայի շնորհակալություն հայտնել ֆամայի ներկայիս անձնակազմին, նաև մեր առաջին հաղորդումների հեղինակներին:
- Ի՞նչ կմաղթեք ֆամային իր ծննդյան օրվա առթիվ:
- Ֆամային կմաղթեն անխափան եթեր, հետաքրքիր, գունեղ, նոր հաղորդաչափեր և բազում հաջողություններ: Իսկ ֆամային հավատարիմ ունկնդիրներին կմաղթեն, որ միշտ մեզ հետ լինեն, վստահեն մեզ, քանզի մենք աշխատում ենք հենց իրենց համար:
Հրույցը՝ Սոնա ԱՐԱՄՅԱՆԻ

Թափառող մայրաքաղաքների երկիր

Մանկավարժական համալսարանում կայացավ ՀՊՄՀ Հեռակետային վարժարանի (ավագ դպրոց) պատմագետների ակումբի առաջին գիտաժողովը «Հայաստանի մայրաքաղաքները» խորագրով: Գիտա-

թային օջախներ և դասախոսություններ:

Ա. Եփրիկյանը նկատեց, որ ապագայում դեռևս ակումբը շատ անելիքներ ունի, սա գիտական ոլորտում առաջին քայլն է: Ս. Պողոսյանն էլ ող-



ծողովին մասնակցում էին վարժարանի 10-12-րդ դասարանների 55 աշակերտներ, որոնք ներկայացրին ՀՀ 12 մայրաքաղաքների ստեղծման պատմությունն ու հետաքրքիր փաստեր:

Պատմաբանների ակումբը ստեղծվել է համալսարան-վարժարան համագործակցության

ջունեց աշակերտների մասնակցությունը և հավելեց, որ գիտական ոլորտում գործունեություն ծավալելու առաջին քայլը նման ձեռնարկներն են: «Ուրախ եմ, որ անդրադարձել եք հենց այս թեմային. Հայաստանը համարվում է թափառող մայրաքաղաքների երկիր, իսկ դրա պատճառը մեր դա-



արդյունքում: Ակումբը նպատակ ունի աշակերտների մեջ սեր արթնացնել դեպի հայոց պատմությունն ու նրանց ծանոթացնել Հայաստանի պատմական կարևորագույն իրադարձություններին և պատմաճակությանը օջախներին:

Ակումբի հիմնադրումը նախաձեռնել են Մանկավարժական համալսարանի հայոց պատմության ամբիոնի դոցենտներ, պատմական գիտությունների թեկնածու Արմինե Եփրիկյանն ու Սամվել Պողոսյանը: Մինչ գիտաժողովը պատմանի պատմաբանները հանդես են եկել տարբեր նախաձեռնություններով. կազմակերպել են արշավներ դեպի Հայաստանի պատմաճակու-

րավոր պատմությունն է»,- ասաց Ս. Պողոսյանը:

Լրագրության հոսքի 11-րդ դասարանի աշակերտուհի Միլենա Բարսեղյանին պատմանի պատմաբանների ակումբ է բերել մեծ սերն ու հետաքրքրվածությունը հայոց պատմությունը նկատմամբ: Գիտաժողովին Միլենա ներկայացրեց Շիրակի վանքի պատմությունն ու նրա մասին հուշագրավ փաստեր: «Աշխատանքային ընթացքը հետաքրքիր է և հաճելի, ուսումնասիրել և օգտվել եմ մի քանի աղբյուրներից, հավաքել եմ մի շարք տեղեկություններ մայրաքաղաքի մասին»,- ասաց Միլենան:

Սոնա ԱՐԱՄՅԱՆ



Հանդիպում շրջանավարտի հետ

27 ՏԱՐԻ ԱՆՑ ԸԱՅՐԵՆԻՔՈՒՄ

Մանկավարժական համալսարանի Գիտական գրադարանը հյուրընկալել էր բուհի շրջանավարտ, նկարիչ Արթուր Օշականցուն (Սարգսյան):

«95 տարիների ընթացքում Մանկավարժական համալսարանն ունեցել է հարյուր հազարից ավելի շրջանավարտներ, որոնց զգալի մասն իր ուրույն դերակատարությունն է ունեցել մեր երկրի կրթության, գիտության, մշակույթի և այլ ոլորտների զարգացման գործում: Դա շրջանավարտների այն պաշարն է, որով բուհը հպարտացել և առ այսօր հպարտանում է. այդպիսին է նաև Արթուր Օշականցին»,-նշեց գրադարանի տնօրեն Տիգրան Պետրոսյանցն ու շնորհակալություն հայտնեց նրան՝ Միացյալ Նահանգներում հայկական արվեստը բարձր մակարդակով ներկայացնելու համար:

«Արթուր Օշականցին ինձ համար Հայաստանն է՝ հայ ժողովրդի արժանի զավակներից: Նա արթնանում ու ապրում է իր երկրով ու բազում թելերով կապված է հայկական մանրանկարչության և հայրենիքի հետ»,-նշեց արվեստաբան Մարտին Միքայելյանը:

«Ոսկեզօծ աշնանը կազմակերպվեց եղանակին համապատասխան գույներով ստեղծագործող նկարչի հետ հանդիպումը»,-նշեց Գեղարվեստական կրթության ֆակուլտետի դեկան Արա Հակոբյանն ու հավելեց, որ 20 տարի զբաղվել է սփյուռքահայ արվեստի ուսումնասիրմամբ ու միշտ ինքն իրեն հարցրել՝ եթե արվեստագետը սովորում, մայրական գուրգուրանքն ստանում է հայրենիքում, իսկ ստեղծագործում արտասահմանում, նրան հա՞յ արվեստագետ է պետք համարել. «Հիմա արդեն ունեն դրա պատասխանը. եթե արվեստագետն անկեղծ է և իր կտավներում երևում է ազգային նկարագիրը, ուրեմն նա հայ է»:

Նկարչի արվեստի մասին խոսեց նաև բանասիրական գիտությունների դոկտոր Հենրիկ Բախչինյանը՝ նկատելով. «Նա խիստ ազգային արվեստագետ է, ում մեջ արվեստն ու մարդկային արժանիքները համատեղված են»:

«Արթուր Օշականցին ստեղծագործում է առանց գոռալու, աղաղակելու, նա արվեստագետ է, ով մեր անունից աշխարհի հետ երկխոսության մեջ է»,-նշեց ճարտարապետ Լևոն Իգիթյանը և հույս հայտնեց, որ նկարիչն առաջիկայում ցուցադրություն կունենա նաև հայրենիքում:

Ցերեկույթի ավարտին խոսեց նաև Արթուր Օշականցին և վստահեցրեց, որ հայրենիքից մեկնելու է բավարարված, հպարտ ու երջանիկ:

«27 տարի անց ես նորից իմ տանն եմ: Բազմաթիվ պարզներ ու զնահատականներ ունեն հայրենիքից դուրս, հիմա միայն հասկացա, որ ամենաբարձր զնահատականը ես այսօր ստացա»,-նշեց նկարիչն ու շնորհակալություն հայտնեց հարազատ կրթօջախում ջերմ դիմավորելու համար:

Քրիստինե ՄԵԼՆՈՅԱՆ

Ստեղծագործեցին բնության գրկում

«Բնապահպանությունը կերպարվեստի լեզվով» խորագրի ներքո ՀՊՄՀ Գեղարվեստական կրթության ֆակուլտետի ուսանողներն այցելել էին «Խոսքովի ամտառ» պետական արգելոց և կտավին հանձնել հատուկ պահպանվող տարածքի հարուստ բնաշխարհի աշնանային գույները: Երիտասարդ նկարիչներն իրենց գործերը կներկայացնեն տարբեր ցուցահանդեսներում՝ նպաստելով էկոլոգիայի և հասարակության մեջ բնապահպանական մշակույթի ձևավորմանը:

Միջոցառումը կազմակերպվել էր ՀՀ բնապահպանության նախարարության և Հայաստանի նկարիչների միության միջև ստորագրված փոխըմբռնման և համագործակցության հուշագրով նախատեսված գործողությունների շրջանակում:



